



M

12.

14

a

19

BHCH2

21

GREGORIUS ROSCIUS



Silciensis Sabinus

Procurator Bibliothecae S. Leon. Romanensis
D E

PESTE.



ROMÆ, Typis Mascardi. MDCLVI.

SVPERIORVM PERMISSV.


GREGORIVS

ROSCIVS

Silvius Sabina

D E

PEST E



THE UNIVERSITY OF MICHIGAN

ANN ARBOR, MICHIGAN

^{MO} EMIN. ³MO A C. R E V.

PRINCIPALI

FRANCISCO

CARDINALI

BARBERINO

S. R. E. Vicecancellario,



GREGORIVS ROSCIVS S. P. D.

 *X* Tuo munere

habeo Francisce

Princeps Emi-

nentissime, ut

certissimo exem-

ptus discrimini, adhuc viuam.

Tuus itaque hic meus exilis

A 2 spi-

⁴
spiritus, Tuum hoc ingeniolum,
Tua hæc lugubratuncula Apū,
sub examine iuta, criticorum
aculeos incurrere haud unquam
verebitur. Onerent alij aucto-
ritatibus libellos suos, eruditioni-
bus exornent. Mibi satis est
auctoritas Tua, satis est Patro-
nus eruditissimus; cuius no-
tes, non in cubiculis, atque in
coenaculis, sed intra numerosis-
simam Bibliothecam exiguntur:
& unde non domesticæ curæ gra-
uissimæ, non strepitus armorum,
non pestis rumores auertere un-
quam potuerit. Et quisnam
igitur longiorem, ac magis hone-
stam vitam iactare poterit, si
die negotijs implicitus, noctu

Ru-

50
studij applicitus, in nostram sa-
lutem semper vigilas, nunquam
dormis? Tu foelicissimis annis
Tuis nunquā insolens, aduersis,
ac turbatis rebus non fractus:
ore semper micans, comis, stre-
nuus, impiger: quasi fulmen huc,
illuc discursans, consilio, voce,
manu cunctis præstò a des: Tu
pauperes foues, erigis afflictos,
bonis indulges, protegis insontes,
promoues amicos. Tu sedente
Vrbano IIX. Magno Patruo
Tuo circumstrepentem Pestem,
qua tot Vrbes clarissimæ vasa-
tæ, ac demissa ceruice adhuc lan-
guent, ab Urbis mœnibus &
ultra Romanæ Ditionis limites
repulisti. Tu denique adnuente

A

3

Deo

6
*Deo Optimo Maximo, cui fa-
talis Aesculapius ad Tyberis
Insulam appulsus hanc opprimes
qua Plebs, Ordines, Urbs uni-
versa fluctuat. Vale.*

Con-

7

Concinnam de Peste tractatiunculam
doctissimi Viri Gregorij Roscij liben-
tissimè legi, eamque mandante Reueren-
dissimo Patre Sacri Palatii Magistro in tru-
tina positam adamussim expendi, in qua
vri nihil, quod Catholicæ Religioni bonis-
ue moribus officiat inueni, ita eam ve-
eruditissimam fateri debui, vtpote quæ
in eius vestibulo, ceu in ore eloquentissi-
mam Barberinam ferat Apem, suauita-
tem illam prædulcis eloquij portenden-
tem, magnum pariter mirari debui ar-
tificem qui vastam adeò rem, breuibz
adeò perstrinxit lineis, vt clausit totum
in exiguo, quique nec mirum si aptis adeò
præsidiorum aculeis, tantum profligare
valeat hostem, cum ducem habeat inui-
ctissimam Apem Barberinam, faustissi-
ma victoriæ ac dominij omnia porten-
dentem; lucis vsura proinde dignissi-
mum opusculum censeo hac die 19. Au-
gusti 1656.

Ioannes Albertus Medicus.

Imprimatur

Si videbitur Reuerendis, S.A.P.M.

M. A. Episcopus Hierap. Vicefg.

Imprimatur

F. Raimundus Capisuccus Ord. Przd.

S. A. P. Magister.

DE PESTE.



ESTIS morbus exitiabilis Familiarum, Urbium, Populorum, Prouinciarum; non ætati, non sexui, non Principibus, non infimis parens; statutis quibusdā temporum spatijs in genus humanum immitti ab aliquibus asseritur; ne ex perpetua salubritate nimia hominum copia; ex copia ægestates, & fames; ex fame omnium excidium, atque confusio. Non tamen casu tanta humanæ Reipublicæ clades. Nec Deus pestis aliter est auctor, quàm fulminis, terræmotus, grandinis, & consuetarum ægritudinum. Res omnes, cum conderentur, ordine non absurdo distinctæ fuerunt: nec quidquam fortuitum obuenit: nec rerum causæ, cum congruunt, segnes, & effectum remorantur. Sic fulmen non potest non vrere, non prosternere, non dissolvere, siue sacrum obuium, siue profanum fuerit: Miraculum tamen, & ex manu Dei pestilentia sentire videtur: res scilicet infœstæ, atrox, ex occulto, ac promiscua omnium strage interitum simul, ac Aniporem. in-

cu-

cutiens. Cæterum non omnes æquè attoniti, atque demissi: sunt & magis cordati, quibus non minus naturalis res hominum pestis, quàm sit pecudum morbus greges integros exhauriens: vel terræ malignus halitus, fruges, ac segetem exurens; tabefaciens. Ac proinde non extra naturam causas inquirentes, philosophica laude digni: quamvis rei difficultate distracti, non omnes unam pestis causam asserunt.

Maximus ille Medicorum Hippocrates, Galenus, & alij non infimi ordinis Medici, non prius in genus humanum pestem serpere scripserunt, quàm aer admodum corruptus, vel inquinatus fuerit. Putredinis autem causæ, largæ, & continuatæ pluviæ: status australes: caligines contumaces, & qui ex terræmotibus graues halitus exiliunt; frugum semiputrium, cadauerum, post magnos conflictus, inhumatorum, locustarum, & ex inundationibus fœtor perniciosus. Hæc aeri permixta, intra corpus insimul hausta, atque recepta sanguinem sensim inficiunt, corrumpunt, vincunt, immutant, ut non amplius vitæ materies, sed venenum, ac pestis sit.

Sunt tamen, qui hæc pestis causas non approbant; quia aer natura limpidus, tenuis, levis, atque simplex non subditus putrefactioni: & cum inquinantibus turba-

tur.

tur, labem non contrahit, non fouet, cito deponit. Et sic nulla pestis diù fureret, atque debaccharetur: Quid si putresceret, vel summè putridis, ac virulentis sordesceret aer, pulmonibus, cordi, cerebro nunquam non præsens, & quod magis est perpetua spirituum vitalium materies? Breui temporis spatio desertum, & horrida solitudo esset Orbis terrarum: humano genere penitus extincto. Et quisnam, licet Hercules, vel Æsculapius tot, ac tam crebris venenati aeris insultibus non exanimaretur? Quomodo, si aer pars spirituum, spiritus, vnde vita nostra, non susciperent virulentiam, & suscepta, non occiderent? Nec ex foetentibus halitibus per aerem sparsis perpetua, ac certa pestis occasio. Sunt quandoque cuncta anni tempora pluuiosa, & austris turbida: contingunt & exercituum strages: subsidunt terramotibus colles: hiant planities: merguntur vrbes: noui fontes prodeunt: sterilescunt arua, vnde & annonæ caritas, inopia, fames, noxiorum alimentorum pastus, sanguis vitiat, ægritudines, sed non pestilentes. Pestem tamen, quam excire non possunt, promouent, & exasperant; febres, & eos effectus cumulantia, qui putredini imputantur; & non rarò pestilentia admitti, signa putredinis ostentant, & erroris occasio sunt illis, qui pestis causam summam putredinem

dinem afferunt : quamvis non raro pestilentia correpti laudabile, non turbidum, crassum, non subrubrum mingant, non febricitant, non siccant, non foetent, nec quidquam intra corruptum ostendant. Quomodo ex Telluris visceribus tam rabidum, venenatum, diuturnum, ac spatiosum effluuium; ut hominum plus quam medietatem aliquando substulerit? Nec minimum vellicatis ceteris animalium generibus; & ipsis spirantibus, & in eodem aere, ac regione degentibus?

His de causis Fernellius, & non obscuri nominis alij, sublimes, atque coelestes, quam humiles, terrenaque pestis causas maluerunt. Sed cum syderum confluxum nec indicauerint; vel odio in genus humanum peccauerunt, & diris imprecationibus digni sunt ut inquietentur: vel inscitia defecerunt & risu praetereundi ceteros docere volentes, quod ipsimet ignorant. At manifesta est, inquiunt, vis astrorum in terris: Sol enim suo per Zodiacum circuitu quatuor anni tempora mira nascentium varietate distinguit: ac deserta sunt illae terrae, quas Sol nunquam lustrat. Cum itaque terrestrium salus a syderibus, quidni & perniciēs aliquando immineat? Quia sydera nunquam non eadem vires haud nunquam variare possunt, ut pestifera sint, quibus semper fuerat

salu-

salutifera. Et quisnam vnquam aliorum,
 astrorum vires agnouit, quàm Solis? E huius
 quid aliud præter lucem, atque calorem?
 Dicant amabo, si alij alias nouerunt. Nec
 Sol aliter est auctor Hyemis, Veris, Aestatis,
 Autumni, quàm exili, summo, ac temperato
 calore; & eo ferè modo, quo ignis ex ouo
 pullum educit. Virtus, atque vigor in ipsa
 terra, quemadmodum in ouo delitescit: nec
 prius expullulat, quàm Sol aeris tempera-
 uerit rigorem, ortus rerum non obscurum
 impedimentum. Luna, Venus, & qui pro-
 pius nobis suspiciuntur errones, Solis lumine,
 siue tepore valent. Aliarum stellarum cœtus,
 quæ interuallo propemodum immenso dis-
 sitæ, & extra nostrum orbem volutantur,
 nec profuit vnquam, nec noxæ cuiquam fuit.
 Væ generi humano, si stellarum malignæ
 coniunctiones pestem efficerent. Eodem
 tempore, ac derepente in omnes terræ par-
 tes spargeretur pestilentia: non solitudine,
 fuga, pharmacis, selectis alimentis; non vi-
 ris, mulieribus, senioribus, pueris; non ro-
 bustis euitabilis: cœlitus scilicet demissa,
 & cùm sit res quadam cœlestis, nec in ter-
 ris habeat contrarium, incorruptibilis, in-
 vincibilis: vincibilis autem, si quem præter-
 iret, & non inficeret: Et si vincibilis à
 contrario, & quidem calida, si à frigido: vel
 humida, si à sicco; & sic non amplius vis oc-
 culta.

culta. Num à validis partibus rejiciatur, & harere non valeat, Telluris intima viscera, & ima marium nulla contentione subiens? Sed non permanet, inquis, coeleste illud effluuium, atque pestiferum: pestem excitat non aliter, quam facula, quæ in classem immissa, omnia nauigia incendit, atque consumit. Tanquam inscius sis, omnes quotquot à priori flammula exoriuntur novæ flammæ, ab igne non esse differentes. Sic & quæ post solutam syderum conjunctionem, pestem fouet causa, non minus quam prima coelestis esset, & inuincibilis, licet in terris nata. Num ille syderum malignus adspectus pestem inducat, quemadmodum Solis æstus febrem accendit ardentem, etiam procul à Sole exæstantem? Actanti sit, ut eiusmodi venenum efficiat, quod etiam post necem ægrotantium superstes per contactum sequens obuios aggrediatur, atque distorqueat? Non equidem, quia cum omne venenum verum corpus sit, nec intra corpora nostra ex alio procreari possit, quam ex humoribus: sanguinis corruptio esset necessaria, quam Fernelius, tam impensè reuult; & eodem tempore in omnibus illis regionibus pestifera constellationi subiectis atrox pestilentia suboriretur. Num coelestis illa vis pestis causa sit, sanguine non prius corrupto?

Omnium autem, quotquot memorantur pesti.

pestilentiarum genera, exiguum; mite, & obscurum semper fuit principium; nec prouincias, exercitus, vrbes; fortasse nec totam simul familiam, ac statim occupauere. Ab vno homine ortum contagium floridissimas prouincias, vastaue desolauit imperia. Non nego tamen aliquas quandoque crassari agritudines, easque perniciosas, ac subito coortas ingentem vim hominum cuiusctunque sexus, vel ætatis, & non solum contubernales, domesticos, vel ciues solos; sed & longè distractas, ac vel inuijs montibus, vel mari discretas vrbes incolentes vna simul tempestate interimere; causam scilicet habentes vniuersalem, terræ noxium halitum, & quæ ab Hippocrate pessima anni tempora describuntur: sed nō & in contiguas serpant, nunquam vera pestis. Anno à Partu Virginis M.D.XXXVIII. per omnes serè Europæ ciuitates dyssentheriæ exitiabiles referuntur. Vidit & ætas nostra perniciosas febres vidit & pleuritides, quæ neminem non strangularent, sed quia & in proximos non irruebant, nec pestis creditæ sunt. Sunt insuper lepra, scabies, lues gallica, quæ per contactum contrahuntur, sed cū raro, vel tardius occidant, non pestis.

Pestis itaq; quædam est agritudo in plurimos per contactū irrumpens, ac breui omnes propemodum occidens, nec ab vniuersa-

libus sanis emanans. Nonne M. Antonino imperante ex aperta in templo Apollinis capsula tanta coorta est pestis, ut ex Seleucia, per Græciam Romam usque delata sit? Nonne & Venetijs quid simile nostris temporibus accidit? Ritus materiam præbet Cardanus. Vir alioquin clarus, atque subtilis; cum ex arcula tam angusta putrem aerem exclusum, Babyloniam, Græciamque infecta Romam usque ventis impulsam esse affirmat: oblitus forsitan aerem naturæ simplicissimum, & omnium quæ circa terram leuissimum non putrescere, & si quando corrumpitur, non nisi in aquam posse, aut ignem facilius commigrare; nec grauiore terræ, ac mistorum halitus diu sustinere, nec tam longinquo transitu ventis concussum, ac tanta aeris mole distractum, atque confusum vires aliter seruare potuisse, quàm fellis gutta in lacum infusa seruat amarorem. Satius profectò si ab infectis hominibus, atque militibus per Babyloniam, Græciam, & Italiam distributis, pestem tam atrocem illam scripsisset. Quemadmodum ex Sardinia appulisse fertur, quæ Neapolim tam immaniter nunc depopulatur, & Romam iam dudum affligeret, eaque experiremur mala, quæ ex Neapoli micissimis auribus accipimus; ni Deus Optimus Maximus Generosissimum Principem dedisset Pa. Pa. ac Pont. Opt. Max.

Alc.

Alexandrum VII. eximia sapientia, inclytis moribus, vitę sanctitate, omnium consensu, capacem Imperij, antequam imperasset, & nunc quando imperat, ad ultimam senectam vsque dignus imperandi. Hic verus Pater Patrię, pestis auditis principijs, dispositu, prouisuque rerum peritus, non sumptibus, non laboribus parcens, die, noctuque vigil, cum omnes supini requiescimus, nō impensius optat, quā populorum commodum, quietem, atque salubritatem.

Multiplacium autem, grandium, ac similitum effectuum causa, sæpenumero non vniuersalis. Alimentorum vitio, vel prægressa ægritudine quis scabie, seu lepra infectus, integras sæpe familias sedauit, ac mortales omnes deturpasset, ni secreti abscessissent. Non ne & lues venerea ex India in omnem ferè terrarum orbem à paucis militibus disseminata? Quid mirum? Multarum in siluis arborum incendium ex parua sæpe scintilla: ac segetum, locustarum, pecorumque propagatio ex granulo, ouo, exigua genitura: nec nisi ex Adę, ac Eux conjugio hominum infinitus sermè numerus. Non absimili ratione pestis serpere, ac procedere videtur. Nunquam non aliqua ciuitas, siue prouincia peste non flagrat, atque laborat, Germanis vrbibus, Bizantio, & vbi bellum sermè continuum, pestis veluti vernacula.

familiaris; nec adeò truculenta, ac illis nationibus, in quas recens inuehitur. Quemadmodum nostris temporibus morbus gallicus longè tolerabilior, quàm initio sui aduentus: ab aere forsan, ac nostris naturis ab Indis dissimilibus mansueta, lenita, ac temperata causa; eo ferè modo, quo fructus quidam insuaues per insitiones suauiores euadunt: vel plantæ veneficæ mutatione soli mitescunt; & minùs perniciosæ.

Quod si ita se res habet, & insuper verum est inter omnes nationes aliquod esse commercium: quid ni & verum sit nunquam nouam emergere pestilentiam? Sed modo in vnâ, modo in aliâ prouinciâ à militibus, peregrinis, atque mercatoribus inferri: & illatam, quasi ignem in siluis, triticum in pingui solo, & in segete locustas breui, ac mirum in modum augescere?

Quia scabies, lepra, canum rabies, nullo contactu, vel morfu prægresso, noua sapissimè exoriuntur. Nec Pthisis parentum semper hæreditas; nec ignis semper ab igne: aliquando ex calibis, ac filicis collisione nouus educitur. Transeo ad locustarum generationem: quarum tantus exercitus hoc, ac proximè præteritis annis agrû Romanum inundauit, vt sata omnia, segetem, ac præta sibi meteret, atque depasceretur. Et ni hominum agrestium agmen immissum at-

tri-

triuisset, & oua priusquam excluderentur, educta corrupisset, in immensum adauctæ, ingenti hominum, ac pecudum damno, vniuersam Italiam occupauissent. Adeo hoc genus animalium fecundum, vt assenerare non audeam, ex putri ne procreentur. Quid opus est ouis, ijsque tanta industria munitis, atque circumuallatis, vt nec niuium, ac pruinarum, nec imbrium timeant iniurias, si ex putri nasci possunt? Sed nisi ex putri oriantur, cur perrarò, ac summa cum admiratione visuntur ab Europeis? Num semper sint, sed quia pauca, & obscurum, damnum ferunt, non aduertantur? Nec multiplicent, nisi fauentibus tempestatibus, veluti & quandoque nec reddunt arua, nec fructificant arbores? Ex Africa ne, vbi eorum creditur seminatum, in Europam, deportentur?

Ita & pestem latitare, & emergere forsitan affirmarem, si quemadmodum pellis causam halitum scio, atomorum scilicet turbam; sic scirem omnes illas atomos viuere, ac veluti locustas in agris, nostris corporibus includi; sed propter paucitatem innoxias, donec opportuna occasione admodum auctæ, inquinant, occidant; ac & extra per aerem sparsæ, incidentes, obuiosque adorianur. Et quamuis fidem facere, inuitare, & animos addere morbus gallicus videatur, qui

nunquam nouus emergit ; sed semper per contagium, veluti quodam ex semine ; & si omnia illius inquinamenta eluerentur, infimul & ipse perderetur : haud tamen vnquam in sententiam inclinabo (sciens de nouo & pestilentes febres nostris corporis innasci, pesti non omninò dissimiles) verisimiliores causas proferre non desperans .

Dixi verisimiliores : veras enim inuenire, vel inuentas demonstrare impossibile penitus censeo, sensibus scilicet omnibus occultas, & ipsam quoque mentem propter hoc eludentes . Ac proinde veneficam naturam, non obscuris ambagibus ostendant . Venenum etenim ab hominibus asseritur, quidquid occulta, ac mirabili ratione distorquet, aut interimit . Ignis, gladius, præcipitium, laqueum, & quodcunque aperta vi patrat exitium, nec venenum . Arsenicum, sublimatum, cantharides, & quæcunque exedendo cruciant, atque consumunt, perniciofa quidem, sed non venenata . Sic allij, piperis oleum, carbones accensi, quinimo & vini spiritus depuratissimus, & acerrimum acetum, cum vltra mensuram hausta ventrem vrunt, laniant, & extinguunt ceu noxia venena daminari mererentur . Verum me hercules venenum, quod exiguum mole, nullo manifesto vulnere, seu laceratione vires opprimit, hebetat, enecat . Id ipsum est, quod
vipe-

vipera, araneus, canis rabiosus mordentes immittunt. & quod opera magnorum magistrorum decoquitur, & vel illitum perdit. Est autem pestiferum omnium pessimum: clam scilicet subiens, non visu, non auditu, non olfactu, non gustu, non tactu explorabile; quinimo nec dum torquet, nec post mortem, vix multorum strage comprehensibile (adeo personatum, & consuetarum agnitionum tegmine tectum adolescit, panditurque) Et quod ad instar miraculi in extinctis non extinctum, sed ex tabo magis vegetum, ac truculentius exurgens propinquos, & incautos adoritur: vestibis suppellectili, parietibus, laquearibus metallisque diutius adhærescens.

Hinc satis clarum argumentum non simplicem, ac nudam esse qualitatem (citò procul à fomite vanesceret) sed corpus, licet sensibus occultum, non adeo tamen tenue, ut solidorum corporum obiectu coerceri nequeat: exterius quidem hære, non trajicere potest: Exili quantumvis chrystallo tutò detinetur: nec corpora viuentia subiret, nisi viuerent. Iisdem ductibus, per quos tepidi vapores erumpunt, & adducitur. Est tamen, quamvis exiguum, admodum contumax, atque stabile. Non frigore, non calore temperato vincitur: annis integris vestibus occultatur. Vix igne, gelidisque Aquil-

B 3.

loni-



lonibus absumitur, & extinguitur. Ac propterea inter spiritus non immerito collocandum esse videtur.

Spiritum nominare solent homines quidquid sensibus abditum, dummodo strenuum, & ingentia moliatur. Quid autem huiusmodi veneno magis abstrusum? Quid violentius? Quid admirabilius? Non autem spiritus aqueus, atque vaporosus, segnis scilicet, ac nullius valoris: sed fixus, terrestris, fortis: uti sulfureus, nitrosus, & qui in adustis salibus reliquus multo igne solet educi. Ac proinde non ex longinquo, quinimò nec noxius, nisi attingatur.

Attingitur autem non solum in ægrotis, domicilio, indumentis, cubili, sedibus, & instrumentis omnibus, quibus vñ fuerint inquinati, sed & in ijs, quæ attrectauerint, qui sani sunt, & exterius adhuc applicitum portant spiritum pestiferum. Cur enim terra, parietes, lapides, metalla, quæ peste correptus tetigerit, suspecta, atque perniciofa, & non perniciofa, quæ attinguntur ab illis, qui vel in vestibus, vel circa cutem fouent pessimam luem? Non aliter pestis contrahitur, quam pediculi à pediculoso. Hic me implet, ego longè plures, si multitudini me immisceam, partim in sedibus, partim in cubili, partim alijs in locis spargens fœda animalia, licet non intra subuculam receperim, mor-
sus.

susque adhuc sentiam : Et, si ita se res habet, non miror, vno ab homine, vel contaminata veste immanissimam plures per provincias pestem spargi posse. Vix tantum acino vitiato, vel putrefacto malo, totus penitus racemus, ac pomorum aceruus saepe numero corrumpitur.

Cum hic itaque spiritus virulentus vestibus nostris adhæserit, calore quasi animatus, non ad extra, sed intra semper, ceu pulices, atque pediculi, adnitur. Cumque cutem attigerit, magis promptus subit, ac sanguine confusus, per venas deductus ad cor; & inde per arterias in omnes partes reiectus, & assidue dum circumducitur, sanguinem sensim foedat, corrumpit, extinguit, venenat. Non prius tamen partibus, ac visceribus grauis, quam sanguinis purioris partem notabilem in suam traxerit naturam. Tunc sentientibus partibus, ac præcipue cordis fibris fixa labe; obscura primum molestia, segnities, nausea, capitis torpor, somnus turbidus, cordis languor, trepidatio, impetus denique, concitatio, febris (in venenum scilicet indignatio) exanthemata, carbunculi, bubones, erysipelas, lotium confusum, alui fluor: & si vires steterint, abscessuum maturitas, veneni dissipatio, sudor, victoria, sanitas. Sin vitæ spirituum pars præcipua in venenum.

corrupta fuerit ; cordis nifus languidus ; vires imbecillæ ; pulfus frequens , atque minutus ; fyncopeſ, inquietas ; vigilæ ; delirium ; ſupor ; bubonum cruditas , reſreſſus ; nigrities , febris obſcura , ſpirituum extinctio ; interitus .

Si peſtis, inquis, cauſa venenum eſt adeo mortiferum, quidni & alia animalia exanimet , ſanguinem habentia à noſtro non admodum diſſimilem ? Verum namque venenum , vti viperinum omnibus æquè noxium , nec tamen calamitoſum attrectantibus . Et ſi tam exiguum , quomodo ſanguinis fluctibus circumuentum , vincat potius , & non vincatur ? Eò magis, quod iam auctum , atque formidabile , cùm ſcilicet peſtem exciuerit , non rarò diſijciatur , edometurque ? Ne dicas, quia nullam nobiſcum ægrotantibus habeant ſocietatem . Sunt canes, ſunt feles, qui domus infectas incolumes inhabitant, ni ſanguinem , vel corpora infecta exederint . Quid mirum ? Sunt qui diù pollutis feliciffimè miniſtrauerint . Num quia ſanguinem habeant terreſtriorem , & ideo ineptum ad alendam luem alimentum ? Num quia circa cutem tanta falſedo, aut aciditas ex vaporibus exeuntibus, ut appellentem labem euincat , diſijciat , aut non patiatulr ultra penetrare ? Nec viperinum virus omnibus pernicioſum . Ranz ;
bu-

bufones, serpentes, testudines, nullo damno mordentur: homines autem & calida omnia animalia enecat, quia veluti coagulum sanguinem densat, sistit, inhibet motum. Et quia non admodum promptum ad subeundum, per contactum non serpit, cutem non traiecit: laderet autem, si sanies ex morfu extinctorum, vulneribus, vel illiniretur, vel voraretur. Nec denique mihi nouum est à pusilla re, mole maiorem aliquando superari. Aceti momentum in amphoram vini infusum, totum vinum paulatim vertit in acetum, & exiguum fermentum ingentem massam acfacit. Cur ergo & pestiferum venenum, licet modicum, multum sanguinem nequeat venenare? validissimum enim, atque pertinax, sanguinis partem, quam se non maiorem, quinimo & minorem primùm circumuenit, in suam naturam anteatrahit: Ex qua accessione magis auctum, maiorem sanguinis partem mox vitiat: & sic augescit assidue, donec vniuersum, vel plerumque corruerit.

De huiusmodi auctione neminem suspicari crediderim. Num summis digitis palpatum venenum, idque perexiguum; vel indumentis applicitum, omnia viscera, ne dicam cuncta membra, & sanguinis omnes riuos simul teneat, atque contamine? Et idipsum exterius profusum circumfistentibus
omni-

omnibus inhærescat? Et vno ab angulo per vastas prouincias extendatur, vel pluribus simul locis adsistat?

Cùm igitur huiusmodi veneni incrementum satis, superque constet: Ex quonam denique inquirendum. Num ex carnibus, atque solidioribus partibus, quas vel carbunculo, vel Erysipelate, vel bubone obsessas sæpe sæpius animaduertimus? Non, inquam, quia venenum res fluida, partes autem non. Nec abscessus illi ex solido, licet in solido. Nec nisi iam squallido sanguine, post febris exitum, & alias cordis angustias extuberant. Pestis effectus sunt, non causa. Quamobrem nec audiendi scioli quidam, & ex vltima plebe, præfatos tumores pestem iactitantes. Plures enim, his non dum natis, subito rapiuntur. Et igne cùm faciliè possent excindi, per pauci periclitarentur; quemadmodum non pereunt, quibus citra pestem carbunculi innascuntur, & igne terminantur. Præterquam quod cùm ibi plerumque conspiciantur bubones, vbi haud est verisimile: primum venenum per contagium adhæsisse: operæ præcium est asserere intra corpus antea receptam fuisse labem, & inde exisse vnâ cum sanguine iam infecto, atq; pernicioso. Longè veriùs itaque, qui veneni materiam sanguinem affirmant. Papulæ, Bubones, Carbunculi, Erysipelas, Virium languor,
Pul.

Pulsus exilis, Vrinae confusio, Pallor, ac omnia prorsus munda deprauata à sanguine contaminato: quemadmodum ab incorrupto omnium valetudo, alacritas, vigor, color purpureus. Quid magis? Iamiam eductus sanguis pestilens, non viuus, purpureusque; sed subliuidus, flaccidus. Miraberis fortasse tanta mala ex corrupto sanguine hominibus contingere? At non miraberis amplius, cum perpenderis, quanta bona ex bono, & illibato sanguine nobis & obueniant. Quid? Bona valetudo, ipsaque vita ex laudabili sanguine: ex polluto morbus, & interitus. Quid nobis pane, carne, vino gratius, cum integra sunt, quid si corrupta, insuauius: Vel naribus admota stomachum subuertunt, cerebrum turbant. Nil magis quam putrefactionem horret natura nostra; & meritò quidem, quia spiritus est interitus, & mors nostra.

Licet autem sanguis vnum corpus, non aliter ac sit lac, seu vinum: varijs tamen modis putrescens, in varios vertitur humores. Patent hæc putrefactionis genera in exterioribus tumoribus, phlegmone, carbunculo, cancro. Horum omnium causa sanguis, sed diuerso modo putridus. Et quemadmodum extra venas modicum sanguinem variè putrescere, & in varias naturas migrare cernimus; sic & intra venas multum sanguis-

guinem corrumpi, ac putredinis varietate
 varias febres accendere animosè affirmare
 possumus. Benignam scilicet putridam, cum
 sanguis putret, ut in phlegmonibus: Mali-
 gnam, cum eo modo, quo in epynictide,
 seu carbunculo. Pestilentem denique, cum
 sanguis cancrenosus intus factus fuerit. Quid
 adhuc Fernelius? Num carbunculi, atque
 cancrenæ venenum quid præter putridum
 sanguinem? Num & hoc à syderum influxu?
 Et nisi hoc: Quid ni & ab inferioribus causis
 pestilentium febrium venenum, quod non
 dissimile cernitur in omnibus carbunculis, &
 cum pestilente, & citra pestilentem febrem?
 Nonne & à cancrenis, atque carbunculis ci-
 tra pestilentiam exortis, pestilentibus similes
 febres excitantur, cum pulsu demisso, vi-
 rium imbecillitate, defectione; adcor sci-
 licet virulento illo sanguine per venas re-
 meante?

Et si pestilens febris à putrescente sangui-
 ne, quidni & pestis ab eadem fermè causa,
 nempe sanguine summum putredinis gra-
 dum adeptæ, cum utriusque adiunctæ sint
 papulæ liuescentes, antrax, bubones, paro-
 tides, syncopes, virium imbecillitas, & ea
 omnia, quæ in peste animadvertuntur; nec
 inter se differant, nisi in hoc, quod pestis
 admodum contagiosa, febris verò pestilens
 tutius tractetur? Dixi, tutius, nam in eo-
 dem

dem cubiculo diutius cum ægrotantibus immorari, non sine manifesto periculo contingere, nemini non notum est: Contagij autem vis ex maiori putredinis gradu, quo sanguis venenum vehementius fit, & magis contumax, non citò dissipabile. Idipsum inter pestem, ac pestilentialem febrem discrimen intercedere puto, quod inter malignam, ac pestilentem febrem: & quemadmodum febris pestilens maligna est malignior, sic pestis, pestilens est pestilentior.

Cùm autem perrara sint illa corpora, quæ salua vita, tantam putrefactionem sustinere possint, ex qua genus illud veneni emanet, quod sua contumacia, robore, ac impetu pestem inferre possit: idcirco nonnisi perrarò & in paucis primum pestis initium (ut plurimum enim, ac fortasse semper in aliquo perrarum angulo coercetur) & animalium, quasi quoddam genus semine propagatur, spargiturque ab hominibus, huc illuc commeantibus; vsque eo tandem sæuitura, donec horribili facta solitudine, & non amplius inueniens in quos irruat, sua se ipsam edacitate, velut ignis extinguat; qui in syluam immisus quaquaversus effunditur, discurrit, flammam extollit, nec prius extinguitur, quàm in omnes arbores impetum fecerit, & illis vel in cinerem versis, vel semiustis, vel nimia viriditate præteritis, finem sibi, ac pabulo posuerit.

Tan-

Tantæ denique sanguinis putredinis, si causas petieris, easmet ipse dabo, quæ à nostris circumferri solent. Terræ granes halitus: cadauerum insepultorum. fœtor: alimenta semiputria, & vt in diuturnis obsidionibus, & immobilibus castris sæpè sæpius contingit: inopia: insolitorum esus: sordes: odor noxius: otium: æstus: frigus: humiditas. Et hinc multorum infirmitates: febres malignæ: pestilentes. Et ex his angustus aer, & antea impurus, admodum inquinatus, & iam pestifer, pestis causa, & infaustum principium; illis præcipue, qui in aere puriore spiritum ducere solent. Nec, credo, deridebor, si dixerò, & annis saluberrimis in vno tantum homine pestis venenum ingenerari posse, pessimorum ciborum vsu, dissoluta viuendi licentia, & quadam naturali inclinatione, sanguine admodum putrefacto: quia omni tempore inueniuntur aliqui, qui febribus malignis, pestilentibus, carbunculis, vel cancrenis citissimè absumentur.

Et hætenus tam internis, quàm exterioribus pestis causis satis discussis; ad signorum descriptionem ecce demum mentem inflecto: non ea nimirum, quæ futuram pestem præmoneant (nullis prægressis indicijs, ex improviso, nunquam fermè non inferitur.) Ac frustra quis pestem vaticinatus nobis fuisset ex locustarum prouentu, pecudum in-

*se*ctiōe, *se*getum tabe, *grani* ex *annona*,
eclypsibus, *cometis*, *diuturnis*, ac *ferali-*
bus bellis, si *procul* *constitisset* *infectus* :
sed ea, quæ *vix dum* *incipientem* *detegant*,
 & ex quibus *inter febres malignas*, *pestilen-*
tes, & *alias ægri* *tudines nobis* *elucescat*
discrimen: Et quæ nī fallor hæc sunt *ipsissi-*
ma, *Multorum* *ijsdem* in *ædibus* *mortes*
prærapidæ, *mox & eorum*, qui *ad ferendam*,
opem *exteriùs* *accesserunt*, *similes*, ac *præ-*
cipites ægri *tudines*: *Obscuræ febres*, *quini-*
mò vsque adeo quandoque tepescentes, ut
hosticas aliqui dixerint: cū *reuera* *sint om-*
nium putridissimæ: *veluti quæ propè mor-*
tem, non *amplius febres imperitis*, & *ex-*
tinguuntur, *extincto* *calido innato*: *Pulsus*
exilis, *inæqualis*: *Vigiliæ*: *laruæ*: *deli-*
rium: *sopor*: *sitis non atrox*: *Alimento-*
rum fastidium: *fœtor anhelitus*: *lingua ni-*
gra, non *expedita*: *suspiria*: *inquiēs*: *uri-*
næ turbidæ, *dilabentibus sordibus*, & non *dil-*
abentibus, *limpidiores*, *sed lineſcentes*, ac
magis funestæ: *animi deliquia*: *faciei ru-*
bor, *mox pallor*: *extremorum frigiditas*:
virium lapsus: *oculi tristes*, *languescentes*:
bubones: *carbunculi*: *papulæ lividæ*: *cancre-*
næ.

Hæc statim ac exploratus fueris, si ad Prin-
 cipem detuleris, non maius Patriæ, Reique-
 publicæ beneficium unquam præstare pote-
 ris.

ris. Principum namque viribus, & auctoritate, prouisuque, non arduum erit (integris ab impuris, suspectis, & attractis perquisitis atque singulis in sua loca discretis, incenso supellectili, clausis, mox repurgatis domibus) nascentem pestem obruere. Sin malum serò detectum, vsque adeò sparsum sit, vt libero ex commercio metus sit, ne omnes fœdentur, aut attingantur, & sic vrbs desoletur; vnusquisque suis domicilijs includendus: Optimatibus interim commendato onere, omnibus ex ærario quotidie subueniendi; infirmos statim educendi, & cadauera, si qui pereunt, procul, & quam primùm contumulandi.

Medicorum autem duplex cura, integros præseruare, lapsos erigere. Ac tutior quidem, & magis expedita præseruatio ex fuga, & ni fugere expediat, ex secessu: & si exeundum, per amplas vias, neminem attingere: parare necessaria; domi continere familiam: frequentiam, hominumque cœtum vitare: procul ab infirmis; nudis manibus non præhendere quidquam. Quibus autem munus ministrandi, medendi, humani, ingens vitæ discrimen: ac proinde non irridendi; si insolitis, & indecoris inuoluantur indumentis. His indusium, & quæ cuti contigua linacea sint aceto acerrimo decocto madefacta, ad vmbra exsiccata. Cœtera,

tera, quæ superius induere solemus, tibialia, thorax, fœmoralia, biretum, chirothegæ, & quæ superponitur tunica, ex tela crassiore, vel sola cera delinita, vel ex muco seminis lini, ærugine cum aceto decoctis. Os, & nares grandior spongia aceto tumens protegata ægrorum cubiculum aceto, nitro ac sulfure redoleat, in vase fictili æstuantibus. Cum domum redieris, in limine, exue calceamenta, sordidas vestes aceto mox abstergendas, in quo argentum viuum ad nigredinem usque fuerit concussum. Linacea tantum retine: ac pro anni tempore aliud superindue. Manus, atque faciem ablue posca. Alimenta elige boni succi, non admodum liquida, nec delicata, quia in labem promptiora: nec nisi compellente fame: circa satieta, temere nimio humore pingue corpus promptius putreat: Condimenta ex aceto, agrestia, omnibus pomis acidis. Aromata, alia suspecta, & quæcunque calefaciendo calidum innatum corrumpunt, putrefaciunt: Vfus vini austeri, fului, limpidi, subacidi, imbecilli, frigidi: somnus brevis, nocturnus. Procul omnis tristitia, venus, segnities. Mens sit hilaris, contemplationibus non laxetur. Theriacæ, Mitridato plùs famæ, quàm utilitatis, ac sanis, quia sani sunt, nec intus habent noxium, vsus periculosus, visceribus, ac sanguini adiiciens æstum. Infectis magis

C

pro-

proficius; quia infecti, & expurgatione indigent. Non minori damno se exponunt, qui acribus se odoribus polluant: onerant cerebrum, spiritus in furorem agunt, virilitatem eneruant. Sunt qui rotulas, & sacculos ex arsenico, sublimato, antimonio, risogallo, auripigmento, aridis bufonibus, ac multis aromatibus confectos, regionem cordis superponunt, ac die, noctuque gerunt: pestiferum venenum his à corde reuocare, temerè credentes, non apparentibus coniecturis, non experimentis innixi: cùmque non minorem numerum hæc gestantium, quàm negligentium inquinari, & obire obseruatum sit. Vel si quam vtilitatem ex huiusmodi suspensis accipiunt, similem illi, quam affert argentum viuum, dum caliditate partium in vapores extenuatum, subit, ac sanguini permistum, corruptionem arcet, aut extinguit (& ipsis ex putri nascentibus infectis, ac lûi venereæ perniciosissimum venenum.) Ac proinde si quis vniuersum corpus inunxerit aceto acerrimo, in quo hydrargirum, atque theriaca dissoluta fuerint, longè mellùs, atque tutius sibi cauerit; præcipuè si sanguinem firmum, terrestrem, & acrem sibi parauerit alimentis acidis; spiritu sulfuris, & calcanti in iure veteris capi; aquarum acidularum vsu in vino, & ieiuno

quan-

quandoque ventre, vberiore potu ad aluum expurgandam, feruorem leniendum, si æstas ferueat. Nec perperam quis sibi consulat, si quatuor stigmata brachijs, atq; coxis inusserit, edocta assuetaque pridem natura per eos ductus inquinamenta dimittere, vt & luem pestiferam promptius eijciat; & paulum aresfacto corpore, & in putredinem minus procliui.

Curatio verò præseruatione tantò difficilior, quo difficilior est eijcere, quàm reijcere. Subitò tamen, nec temerè suscipiatur, æstimatione antea viribus, ne serò, ac frustra occurras: vel medicamentorum vehementia citius patientes opprimas. Et quam aliam putas esse febris causam, quam cordis concitatioem motû, noxium festinantis exturbare sanguinem? Erras, si febrem in peste perniciosam putas. Sola venenum vrit, atterit, in diuersas partes dispergit; per cutem scilicet, ad axillas, inguina. Bubones, carbunculi, sudor, papulæ; vrinæ turbulentia pro natura sunt, ac valetudinis causa; nō sanguinis maiore parte contaminata, vires imbecillæ sint. Febris igitur excitanda, nō adfit, & si segnis, irritanda. Bubones si tardè exant accellerandi: oprandi & carbunculi; exanthemata promouenda, sudor, ac lotium pronocandum.

Ad primum igitur pestis insultum, tartari

Bononiensis depurati semiuncia in iure exhibita, aquam acidulā subito ad libras 11x. frigidam & ebibe, plus, aut minus prout expedierit: Vehementius purgantia vires prosterant, turbant, virus non eliciunt: Mox ex eadem aqua, oleo, ac hiera immisso. clystere, ac digitis tabacci decocto madentibus tentata gula, repurgatoque ventre, & aqua insimul egesta: quatuor vesicantia cruribus, & brachijs statim affige: vel si citius iuuare cupis, spongiola aqua feruida madefacta easdem partes inure. Acerum deinde destillatum multo Mercurio ad nigredinem usque concute, & addita theriaca, & nitro totum inunge. Alimenta tunc præsto sint ex carnibus vitulinis, gallinaceis, veruecis, capi, vel contusis, vel destillatis, vel in iure dissolutis, cum succo limonum, ac spiritu calcanti. Et, ni febris æstus nimius, vinum & ebibe ad acetum vergens; si feruor, ac sitis nimium vexent, poscam, loco vini, ne reformides. Et sic semper, quinque horarum interiecto spatio, alimentis occurre, ne vires langueant. A pastu tribus horis, prima die hoc bolo statim præsto adsis. Pulveris vli, extracti chinæ chinæ, contraiervæ an. gr. iiij. puluer. viperæ gr. vj. theriacæ q. 5. Superbibe vini generosi ciarum; & non interiecto tempore, cucurbitulæ affigantur omnibus partibus, sed citra scarificationem,

nem, exceptis ijs, quæ propè axillas, circa
collum, & inguina apponuntur. Altera die
theriacam optimam cum quatuor granulis
Mercurij depurati, vel ex argento arte ex-
pressi, non ad dr. i. sed ad dr. ij. audacter
offer; vino mox subacido ad satietatem
hausto, vel, si ardor intolerabilis, posca ex aqua
cardui benedicti, & aceto acerrimo, vel spi-
ritu calcanti confecta ad extinctionem vs-
que sitis ebibita. Circa vespertas; vel multa
nocte adhibe denuò sudoriferum præscri-
ptum, & ni sudorem tunc exciuerit, auge
quantitatem: vel vttere bezaar occidenta-
li ad gr. xxv. cum pulu. bufonis gr. vj. in
vino multa aqua cardui sancti temperato.

Sanguinem ne vnquam effundas, ne viri-
bus fractis, vincendi spes excidat: & quan-
titate imminuta, quod reliquum est sangui-
nis, ne promptius sordescat, atque vinca-
tur. Mistum est in venis & bonum, & ma-
lum, dataque via ad proportionem exetint;
& ad proportionem tam morbo, quam na-
tura demissa, nec minimum leuamen. Le-
uitatis notam subeunt, qui naturam bonum
sibi retinere; nocuum excernere blaterant.
Sic vulnere sanis inflicto, nec gutta sangui-
nis manaret: & si res, vti putant, accideret,
subitum & non obscurum leuamen accipe-
retur, mali causa imminuta. Grauius igitur
peccat, qui pluries incassum, & infelici-

ter sparso sanguine, in posterum non abstin-
 net: ac penitus cœci sunt, qui ex malleolo
 deducere ad miraculum iactant: sed excu-
 sandi, quia sanguinem in venis stagnare
 credunt: & ad inferiora detractio, cor, ce-
 rebrum, & reliqua viscera sarcina exonerare
 præsumunt. Alijs placet venam ferire
 non ad vacuandum pestiferum humorem,
 sed uti dicunt ad ventilandum, ac malignas
 fuligines extrudendas. Vel si per poros nulla
 sanguinis iactura hoc natura nequeat uti-
 lius perficere, & vel adeo crassi sint illi vapo-
 res, ut nisi per amplum foramen profluere
 non possint.

Bubonibus emergentibus, cucurbitulas cir-
 cumapponere, ac fermento cum mucos for-
 nugreci remollito operire. Cerata omnia
 gummita nimium adstringendo rejiciunt.
 Nec unquam yrere, ne humore exsiccare,
 vel non putrescat, vel serò post crustam
 diuulsam. Satiùs incidere, ut sanguis exeat.
 Carbunculis verò micantibus, hirudines cir-
 cumaffigere, scarificare, theriaca cum mer-
 curio cooperire: & ni circa partes princi-
 pes, dilatationem patere, quo plus virulen-
 tiæ effluat. Si vltulaueris, obdurata parte,
 mananti tetro succo impedimentum oppo-
 nes. Papulis tandem efflorescentibus, cu-
 curbitulis occurre. Aetij inunctione, & ni fe-
 bris nimium acris. Aqua ardente, elixir hau-
 stu, sudoriferis.

Toc

Tot linimenta, electuaria, puluëres, po-
 tulenta, quæ ab alijs, infinitis encomijs
 circumferuntur, data opera reticeo; tum
 quia iam vulgata, tum quia sæpius adhibita,
 vel insensibiliter, vel nec ita profuerunt.
 Fortasse nec ego quidquam profecero: non
 tamen scripsisse pœnitebit. Satiùs est
 nouum experiri, quàm ea denuò
 resumere, quæ nunquam
 valuerunt.



F I N I S.



